

БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ

ДОМ НАРОДА  
ПРЕДСТАВНИЧКИ ДОМ

Савјет националних мањина БиХ



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE

DOM NARODA  
PREDSTAVNIČKI DOM / ZASTUPNIČKI DOM

Vijeće nacionalnih manjina BiH

Broj: 05/7-39-1-1454-1/22

Sarajevo, 18. 11. 2022.

## ZAPISNIK

### **konstituirajuće sjednice Vijeća nacionalnih manjina BiH, održane 16. 11. 2022.**

Sjednica Vijeća nacionalnih manjina BiH počela je u 13 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Željko Vaško, Franjo Rover, Ernest Grin, Saša Mićin, Todorka Jovanović, Velibor Kuvač, Dejan Piotrovski, Mujo Fafulić, Violeta Džolan, Igor Kotjelnikov, Mihal Hemun, Danijel Štefek, Dragica Tešić, Hakan Varan i Miroslav Bobrek.

Sjednici su, također, prisustvovali: Gordana Živković, sekretarka Doma naroda, Marin Vukoja, sekretar Predstavničkog doma, Nedžad Jusić, član Odbora za Rome pri Vijeću ministara BiH; te Aida Kreho, Zoran Žuža, Zoran Brkić, Enver Bogučanin i Bojan Brezo iz Sekretarijata Parlamentarne skupštine BiH.

Sjednicu su sazvali predsjedavajući Predstavničkog doma Nebojša Radmanović i predsjedavajući Doma naroda Nikola Špirić.

Sjednicu je otvorio i, do izbora predsjedavajućeg, vodio Skender Mustagrudić, kao najstariji izabrani član Vijeća nacionalnih manjina BiH.

Nakon uvodnog obraćanja i čestitki izabranim članovima Vijeća nacionalnih manjina BiH, predložen je sljedeći

## DNEVNI RED

1. Konstituiranje Vijeća nacionalnih manjina Bosne i Hercegovine - izbor predsjedavajućeg, prvog i drugog zamjenika predsjedavajućeg;
2. Tekuća pitanja.

S obzirom da prijedloga za izmjene i dopune nije bilo, dnevni red se smatra usvojenim i prešlo se na raspravu po tačkama.

### **Ad. 1. Konstituiranje Vijeća nacionalnih manjina Bosne i Hercegovine - izbor predsjedavajućeg, prvog i drugog zamjenika predsjedavajućeg**

U uvodnim napomenama za ovu tačku dnevnog reda privremeni predsjedavajući upoznao je članove da će se – nakon što budu nominovani kandidati – glasti o svim prijedlozima, te da će biti izabran onaj kandidat koji dobije najveći broj glasova. Također, napomenuto je da je pred početak sjednice zaprimljena i pisana prijava, odnosno prijedlog za kandidata, za obavljanje dužnosti predsjedavajućeg Vijeća za kandidata Muju Fafulića.

Nakon što je dao riječ prisutnim članovima, za riječ se javio i Željko Vaško, koji je za dužnost predsjedavajućeg predložio Franju Rovera.

S obzirom da drugih prijedloga nije bilo, pristupilo se glasanju.

Za kandidata Muju Fafulića glasalo je deset članova Vijeća, glasova „protiv“ nije bilo, dok je pet članova bilo „suzdržano“.

Za kandidata Franju Rovera glasalo je sedam članova, dok glasova „protiv“ i „suzdržan“ nije bilo.

U skladu s navedenim rezultatima glasanja, **za predsjedavajućeg Vijeća izabran je Mujo Fafulić.**

Nakon što je preuzeo dužnost i nastavio predsjedavanje sjednicom, Mujo Fafulić je ukratko prezentirao svoju viziju rada i budućih aktivnosti Vijeća. Potom se nastavilo s procedurom izbora prvog i drugog zamjenika predsjedavajućeg.

Svoj prijedlog iznio je Velibor Kuvač (za prvog zamjenika predložio je Franju Rovera; za drugu zamjenicu Todorku Jovanović), uz obrazloženje da bi bilo dobro - imajući u vidu teritorijalnu

zastupljenost, te iskustvo u radu u smislu poznavanja problematike nacionalnih manjina i ljudskih prava općenito - imati predstavnike iz oba entiteta i Brčko Distrikta BiH u tzv. kolegiju Vijeća nacionalnih manjina BiH.

Nakon što je Franjo Rover odbio ponuđenu kandidaturu, Mujo Fafulić je za prvu zamjenicu predsjedavajućeg predložio Todorku Jovanović. S obzirom da drugih prijedloga nije bilo, pristupilo se glasanju, te je **Todorka Jovanović**, s 12 glasova „za“, bez glasova „protiv“ i „suzdržan“, **izabrana za prvu zamjenicu Vijeća nacionalnih manjina BiH.**

Za dužnost drugog zamjenika, prijedloge su iznijeli: Dejan Piotrovski (za Velibora Kuvača), Skender Mustagrudić (za Violetu Džolan), Mujo Fafulić (za Danijela Štefeka), te Franjo Rover (za Zamiru Sokoli-Begović). Nakon što su Velibor Kuvač i Danijel Štefek zatražili povlačenje svojih kandidatura, a dodatnih prijedloga nije bilo, pristupilo se glasanju. Violeta Džolan dobila je deset glasova „za“, dok glasova „protiv“ i „suzdržan“ nije bilo. Zamire Sokoli-Begović dobila je šest glasova „za“, jedan glas je bio „suzdržan“, dok glasova „protiv“ nije bilo. U skladu s navedenim rezultatima, **za drugu zamjenicu predsjedavajućeg izabrana je Violeta Džolan.**

## **Ad. 2. Tekuća pitanja**

U okviru ove tačke dnevnog reda sekretarka Zajedničke komisije za ljudska prava ukratko je prezentirala materijale dostavljene članovima Vijeća pred samu sjednicu Vijeća. Predstavila je Ured sekretara Zajedničke komisije za ljudska prava, uz napomenu da je potrebno da Kolegij Sekretarijata odredi osobe koje će u tekućem mandatu pružati administrativno-tehničku i stručnu pomoć Vijeću, te dala neke uvodne napomene o potrebi i mogućnosti izmjene Plana rada Vijeća za 2022. godinu i Poslovnika Vijeća nacionalnih manjina BiH, te o sastancima koji bi se trebali organizirati u nastavku rada. Također, odgovoreno je na pitanja u vezi s terminima održavanja sjednica Vijeća nacionalnih manjina BiH.

Sjednica je završena u 14 sati.

**Sekretar**  
**Zajedničke komisije za ljudska prava**  
**Aida Kreho**

**Predsjedavajući**  
**Vijeća nacionalnih manjina BiH**  
**Mujo Fafulić**